

An pó indô dé jö le **refodam da tosser** l'ater lönesc, ai 5 de messé
a San Martin dan le magazin di stödafüch dales 9.00 ales 10.00
a Lungiarü dan le magazin di stödafüch dales 10.30 ales 11.30

Le Comun chir relevadus/relevadësses por la compëda dla popolaziun.
Condiziuns: avëi rové na scora alta (matura) o n titul de stüde plü alt, na buna
conescënza di lingac ladin, todësch y talian, de bunes conescënzes da lauré
sön computer, esperiënza cun relevaziuns statistiches y savëi da comuniché.
Perioda de laur: otober - dezëmbër 2021; Raport : contrat de colauraziun
autonoma y de ocajiun; Paiamënt: do tarifes dla tabela dl ISTAT; Cuantité do
le numer di formulars scric fora y dá jö; Termo por dé jö la domanda:
ai 09.07.2021, dales 12.00 da misdé; Info Ofize Anagrafich Tel. 0474 524 368

PLOANIES SAN MARTIN Y LUNGIARÜ

I Consëis de cöra á fat fora adöm da mudé **l'orar dles mësses prefesties**:
tl tēmp dl'ora da d'isté a San Martin dales 20.00 y a Lungiarü dales 18.30
tl tēmp dl'ora da d'invern a San Martin dales 19.30 y a Lungiarü dales 18.00

La Uniun dles Ères inviëa düc i geniturs che á n/a pope/a da batié, pers che
aspeta, toc y totes de nosc decanat ala **preparaziun dl bato** en sabeda, ai 10
de messé, dales 15.00 ales 17.00, tl salf de colonia da Corvara. I stlujarun jö
l'incuntada cun n pice renfrësch. Prenotaziuns al numer 328 07 17 796.


LUNGIARÜ

Pici y gragn s'incunta por sté adöm: La Uniun dles Ères da Lungiarü inviëa
families, geniturs cun mituns y mitans ai 29 de jügn (mertesc) y ai 6 de messé
(mertesc) dales 15.00 inant ite da Punt de Rü Fosch por sté en compagnia.

Döt le bun a chi che complësc i agn de messé

a San Martin Angelina Vanzi Baldissera che nen complësc 92 ai 3
Pire Vanzi che nen complësc 89 ai 3
Giovanni Rubatscher che nen complësc 80 ai 7
Lena Palfrader Trebo che nen complësc 84 ai 21
Notburga Dapunt Clara che nen complësc 84 ai 21
Giovanni Unterweger che nen complësc 89 ai 26
Oliva Pedevilla che nen complësc 90 ai 29
Sepl Zingerle (Tor) che nen complësc 83 ai 30

a Lungiarü sr. Sofia Clara che nen complësc 86 ai 3



La festa de San Pire y San Paul recorda dui ëi
dër importanc por le cristianejm. De trami cunta
la Bibla: Pire, n ël scëmpl che piâ pësc, cherdé
da Gejú sön la spona dl lech de Genesaret,
Paul, n studié dla lege, cherdé da Gejú te na
vijiun dlungia Damascus. Un y l'ater vardô te so cör por le vangele. Impó á
trami albü sües deblëzes y sües dificultés da imité Gejú. Chësc nes incorajëia
ince nos da ti afidé nosta vita tres indô al Signur y da crëie te so amur. (SVD)



www.valbadiaonline.it/comunita

Plata dles Ploanies San Martin y Lungiarü

ploan Klaus Sottas 344 15 54 055 - klstottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



27.06. - 04.07.21 nr. 31

13ª DOMÈNIA IA POR L'ANN B

Vangele do Merch 5,21-43

Tratan che Gejú baiâ ciámò,
nen n'ël gnü dala ciasa dl surastant dla sinagoga
a ti dì a Iairus: Tüa fia é morta.
Ciodî ti staste pa ciámò do al maester?
Gejú, che â aldî chëstes parores,
ti à dit al surastant dla sinagoga:
No te temëi; crëi madër!
Y al n'á lascé gnì degügn cun ël ater co Pire,
Iaco y Jan, le fre de Iaco.
Ai é jüs dala ciasa dl surastant dla sinagoga...
y ti à dit: Talìta cum!, che ô dì:
Möta, i te diji, lê sö!
Atira é la möta lovada sö
y jô incërch. Ara â dodesc agn.
La jënt stô a gnì fora de mote dala morvëia.



*Le vangele da incö é n vangele lunch, mo che se lascia dí te püces parores:
"No te temëi! Crëi madër!"*

*Al é les parores che Gejú ti dij a Iairus tl momënt ch'al rōia adalerch
la burta noela: Tüa fia é morta.*

*Coche Iairus á reagí ales parores de Gejú y ci ch'al ponsâ ne vëgnel nia dit.
Cherdöl mo? Sperâl mo impó ciámó? Al lascia fá Gejú y ne se mët nia te tru.*

*Al n'é ince danter nos che ará fat na te esperiënza, che so monn ti tomâ adöm.
Ai ará cherdü y speré cina inultima, magari ince cun de gragn dübi.
Ai s'ará tigní pro Chël Bel Dî y ará ciáfé la forza da soporté y da jí inant.*

Pro Chël Bel Dî él speranza te vita nöia, sc'i se tignun pro d'ël,

1. sides bele te chësc monn, co ince spo tl ater monn.

EDEMA	SAN MARTIN	LUNGIARÜ	Al ê n iade na monia che lovâ dadoman adora perian aprescia-püch insciö y che ê stada buna da fá tröp de bëgn:  Signur Gejú, da mëte man chësc de oressi te dí ch'i t'ó bun y te perié do túa pesc, túa sapiënza y túa forza. Dëideme incö da ti ciaré al monn cun i edli plëgns d'amur. Fá ch'i vëighes ite che le piun che salva y varësc pëia ia dala fontana de túa crusc. Dëideme da incunté mi vijin sciöche chë porsona a chëra che t'os ti orëi bun cun mi cör. Fá ch'i sunse tres arjignada da ti ester de aiüt y da descuri te ël döt le bun che te i as senté ite. Mies parores dess ester saurides y döt mi deport dess chirí la pesc. Láscome avëi imënt ma chi pinsiers che desleria fora benedisciun. Stluj mies orëdles dan da parores y critiches marizioses. Mia lënga dess ma oghé da alzé fora le bun. Dantadöt fá, oh Signur, ch'i sunse tan valënta y de buna vöia che düc chi che m'incunta incö sintes túa presënza y to amur. Visteme cun le sflandur de túa bunté y de túa belëza ch'i te fejes gní a löm ia por le de.
27.06.21 13ª DOMËNIA - ann B	9.00 Corona 9.30 Gran Mëssa por la comunité cun benedisciun dl tëmp 11.30 Bato de Noah Moling a Picolin	7.55 Corona 8.15 Gran Mëssa por la comunité cun benedisciun dl tëmp 14.00 Bato de Greta Clara 15.00 Corona tla capela de S. Ojöp Fr.	
28.06.21 Lönesc <i>Ireneus, Vinzenzia</i>	19.30 Mëssa a Picolin <i>(don Francesco)</i> vis y def. fam. Pepi y Rosamunde Videsott		
29.06.21 Dedolönesc <i>San Pire y San Paul, apostui</i>	19.00 Mëssa + Mariangel Tavella 7.30 Prozesciun da S. Linert sö La Crusc 9.30 Mëssa dailó y dedô ores d'adorazium	7.30 Prozesciun da S. Linert sö La Crusc 9.30 Mëssa dailó y dedô ores d'adorazium, conclujun dales 12.00	
30.06.21 Dedemesaledema <i>I pröms Martiri da Roma, Alfred</i>	7.30 Mëssa <i>(don Francesco)</i> a d'intenziun	7.30 Mëssa aniv. + Sabina Clara por les püres Animes	
01.07.21 Jöbia <i>Sanch de Gejú, Ester</i>	7.30 Mëssa + Heinrich Clara Corona por Vocaziuns Domisdé: Provijun di amará a S. Martin y Ju	Danmisdé: Provijun di amará a Lungiarü y Mirí	
02.07.21 Pröm vëndres <i>Vijitazium de S. Maria, Eugenia</i>	18.30 Adorazium chîta 19.00 Mëssa <i>(don Francesco)</i> en onú de Santa Maria da Weissenstein	7.00 Adorazium 7.30 Mëssa + Zelestina Unterweger + Maria Clara Verginer	
03.07.21 Sabeda <i>San Tomesc apostul, Günther</i>	20.00 Mëssa prefestia <i>(don Francesco)</i> + Giovanni Pescoller	18.30 Mëssa prefestia + + Sisto y Mattia Clara + Rita Zingerle in Clara	
04.07.21 14ª DOMËNIA - ann B	9.00 Corona 9.30 Gran Mëssa por la comunité cun benedisciun dl tëmp <i>(don Francesco)</i> de reng. en onú dl Spirit Sant de reng. fam. Lorenz y Elisabeth Planatscher	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.	